

元亨釋書

十卷

廿年

特別
八四
5587
9





大日本皇文原于六月有 旨入皇廬太歲海藏禪院寓居比丘單况等謹啟
今上皇帝祝延 聖壽文武官僚資榮 祿位國泰民安命工鑄梓與
大藏經印板共行一部計三十卷皆貞治三年甲辰正月
日謹題



元亨釋書卷第十五



濟北沙門 師鍊 撰

方應八

聖德太子

役小角

越知山泰澄

南天竺菩提

林邑國佛哲

伏見翁

勝尾山善仲

彌勒寺開成

園城寺教待

聖德太子者用明帝第一子也母后夢金色
比丘語曰我有救世願願託后胎后問誰乎
對曰我是救世菩薩家在西方后曰妾腹垢
穢豈當聖居對曰吾不厭穢唯欲極濟言已
躍入口中覺後喉裏若吞物而後娠及八月
胎中而言聲聞于外敏達二年癸巳正月朔
后虞遊至厩閑不覺而誕時赤黃之光自西

來照宮中至此巳十二月焉嬪御驚抱上殿
四月而乃言能知人舉止軀體甚香懷抱之
人奇醜染衣數月不滅六年冬十月百濟國
貢佛經論等太子奏曰欲披閱帝驚而問之
對曰昔在陳國住南嶽粗見斯文帝恠喜焉
推古三年夏五月高麗沙門慧慈來號為博
物救慈為太子師太子語曰法華其句闕一
字公知之乎慈曰我本國經亦無此字太子
曰昔吾所持經有此字慈曰經在何處太子

微笑曰隋國衡山寺十五年秋七月羌野妹
子如隋國今日我先身所持妙法華在衡山
般若臺汝之彼取來彼山吾法友只三僧在
焉乃以三法衣付妹子曰此信衣施三僧妹
子承命入隋登南嶽果遇三沙門陳太子之
旨與三伽黎三僧驚怪感喜乃取一漆經函
付之十六年妹子得經而歸獻太子太子曰
此經非我所持老僧耄竒耳斑鳩宮有淨殿
号夢殿每入必沐浴太子製諸經疏若有滯

太子前身在陳國叙滅於今 禮隋國者其又有以耳蓋此時煬帝早降太子未聞其事 祇隋國是亦神異方一

疑即入此殿金人必自東方來諭以深義秋
九月太子入夢殿閉戶不出一七日宮中大
怪慧慈曰太子入三昧矣八日之晨玉几上
有二經卷太子告慈曰是我先身所持之本
耳一部複一卷也妹子取來之者我弟子之
經也吾定中取來也乃以落字之所示慈慈
大竒之太子薨後山城列古作山皆也太子有二十子 得此經六時
禮拜一時失經不知所在世傳法隆寺妙經
是也或曰妹子取來本十七年秋九月隋使

來曰去秋皇太子駕青龍車取南嶽舊坊經
凌虛而去推古二十一年冬十二月遊片崗逢善
提達磨初二十年夏四月太子製憲章一十
七條國人賴之十四年秋七月帝請太子講
勝鬘經太子披袈裟握麈尾坐師子座儀則
如沙門講已天雨蓮華大三尺帝大喜即其
地建伽藍今橘寺是也冬十月敕講法華於
崗本宮帝觀播州莊田一千畝太子即納法
隆寺十七年製勝鬘經疏二十年春正月製

獲我馬子也 関白也

此時日域經末

維摩經疏二十二年秋八月藉馬子病太子
勸出家親授具戒此歲製法華疏初敏達七
年奏曰白黑月初八十四五是為六齋此日

到四天像神
警中乞冥
助

諸天檢國政乞天下止殺制可用明二年太
子年十五秋七月帥官師討物宇屋取白膠
木刻四天王像乞冥助大連亡於攝州玉造
岸上建梵刹安天王四像推古元年移於難
波荒陵東二十五年太子入定見皇統出奏
曰後代帝王多災害非佛法力難固寶祚願

物性物部也 宇屋名事 見資治表

建精舍鎮皇圖帝從之乃創寺於熊疑村初
敏達十二年百濟俗人也然和人格上人者恨也甲羅來身放光神異不測
太子微服從諸童子入館見之羅指太子曰
是神人也太子走去易衣而出羅再拜跪地
曰敬禮救世觀世音傳燈東方粟散國太子
從容而謝之羅放光太子亦眉間出光謂左
右曰我在陳彼為弟子常禮日天故有光耀
推古元年夏四月立為儲貳萬機委之七年
夏四月百濟王子阿佐說偈禮太子語在資

偈言敬礼大悲觀音菩薩妙教流通東方日本四十九歲傳燈演說

正今天王寺修太子會二月二十日我古傳作五日不知何是耳

治表十六年秋八月隋使來太子微行伺之
非表清也隋使指太子之所曰彼有真人氣二十六年
冬十月語妃膳氏曰我在南嶽承達磨勸誘
支那有望氣術非表氏知耳生此土我今只世緣二期耳二十八年太子
竄病帝慰問曰太子有所思乎朕乞不_レ迕對
曰臣以不佞居儲位久柄機勢聖恩未酬餘
何索邪唯恨熊疑精舍規模甚小願上改造
亦是宏壯帝基耳帝許之今大安寺也春二
月五日語膳氏曰我昔在震且持法華今為

日域副貳流傳佛法弘宣一乘吾能事畢矣
不樂父居五濁妃反袂嗚咽又曰我今夕去
矣子可伴也乃沐浴新衣妃亦然二人失入
寢翌朝日上太子及妃不起侍嬪褰帷二人
長逝太子年四十九其夜天地變瑞甚多四
海萬姓如喪考妣哀號之聲盈衢路喪斂之
夕太子并妃容兒如生身體薰郁兩屍輕只
其衣之重而已太子有驪馬甲州所獻常駕
此馬河內科長廟葬日驪自負鞍從車殯已向廟

甲斐里野也

大嘶高躍而斃過七七一鳥飛來集墳上鳥
為有來此鳥拒去時人号守墓鳥三年後不
見蕙慈在高麗聽太子訃慟哭曰太子大聖
人也我雖異域心在金蘭哲人亡矣我獨何
存來歲二月取滅必與太子同時日至期果
然太子有六名誕廐邊故曰廐戶用明帝愛
敬居官南上殿故曰上宮八人奏事一時善
聽故曰八耳睿明仁恕故曰聖德豐聰耳聰
者八耳之同稱也太子造九伽藍四天王寺

法隆寺元興寺中宮寺橘寺峰崗寺池後寺
葛城寺日向寺

贊曰昔者娑伽梵楞嚴會上有大警向賢聖
應化不徂密因只除臨終之遺付也蓋識像
季之枉誤耳太子生吾國醇厚之時孩孺神
靈不慎本質鼓此癡朴之民鄉彼玄妙之法
感應指搗疑恠自絕亦大士之善權其唐棣
之萼乎不然者斯民不易覺也况勝海之鷲
頑守屋之暴勗其時猶有跋扈狂趨乎政令

三十載憲章十七條宣傳真教翼贊

聖朝シホ微太子ミコ吾道ミチ殆弗ナシ昭シラ昭シラ矣嗚呼南嶽導
化之末標檀者東域佛法之根苗乎

論曰上宮太子神異無方實應化之選也然
此書以釋史名焉方便應化方應之傳太子居首トモ雖有
實名不協矣曰不然此書專用摩訶衍今夫
貴キ蔭カゲ染シメ賤シ冠カ巾者小乘之儀也修多羅有心
出家身出家大乘主心不言相矣太子豈冠
纓之所トシ絆乎况方應之科不滯相也今之布

置順科意耳。曰：諸經之有序列也，先比丘後菩薩，至此不倫，寧有據乎？曰：阿闍世王經有文殊迦葉讓坐位已，而文殊所將二千在家在前，而住迦葉等五百聲聞在後而坐，是也。子若固執比丘相者，德光論師不拜慈氏之謂乎？曰：思大陳大建九年滅太子敏達二年，誕以曆考之，太子五歲時思公化，豈有未死而受生於他方哉？曰：阿含口解十二因緣經曰：人年老少，識多忘者，識轉稍向後生處。夫

塵累之人，尚存此身，赴他界，況救世之大士，分身百億，何容疑於其間乎？曰：太子古傳曰：太子四十七歲冬，語妃曰：昔我在南嶽修道，名曰慧思，有婆羅門僧達磨者，後魏文帝太和八年丁未十月入支那遊歷衡山，於是達磨結草菴，六時行道，時思問曰：公修道幾年？對曰：二十餘歲。思曰：得感應乎？對曰：無。達磨良父曰：禪定易厭，濁世難離，今遭素交，我意足矣。子何更數生居此山不移，餘方惜哉。化

之不博乎海東有國願子生彼彼地三毒雖
厚聖化可宣子其思之乎思曰公誰人乎對
曰我是虛空也言已東去思大尋又六時行
道年方五十後魏皇始元年庚申長逝然則
聖言不虛故我生此國安撫百姓興隆三寶
又捨此身生賤種出家修道誓度有情是我
本願也妃流淚曰殿下之言非妾所知哀哉
舍我而去太子曰我只世緣二歲耳古傳又
曰太子曰我昔生支那為賤人間比丘說法

華道家事比丘為沙彌修法華三十年終衡
山當東晉之季也又為韓氏子出家修道居
衡山五十年宋文帝世捨命又為劉氏子出
家修道四十餘年終于衡山又為高氏子修
于衡山六十年終焉又生梁相家出家上衡
山修練經七十年從陳國生此土流通佛法
此等竒迹子盍備載今推古二十六年太子厩氏等語只二十六年纔數語
何其迂闊哉曰史法正歲時不即為警焉我
謂作古傳者不熟南北史耳其事可取其年

史之年代
不合理
教習史

太子聖人也
豈其語
過謬然年
代非者付
者之謬也

不可取故我摘數語繫于年耳吾今詳語汝
吾祖之入梁傳燈作孝武普通八年丁未過
魏作孝明大和十年然嵩明教著正宗記曰
普通元年庚子魏明帝正光元年也我考南
北史及諸禪冊嵩文為正也古傳之錯少似
千傳燈今古傳曰後魏文帝大和八年丁未
十月蓋并傳燈之魏年号梁甲子而言一謬
也我祖之在支那也九歲諸書無異說今日
二十餘歲二謬也又曰思大遷化年為後魏

室林傳亦主由集編年通我考也

支那只紀
三生古又
恐有遺漏
并太子
詞可為定
說年

皇始元年庚申是大不然南嶽願文曰歲在
乙未生魏國蓋魏宣武延昌四年梁孝武天
監十四年也若失皇始者太祖道武之年号
也況皇始之元丙申也非庚申先延昌一百
二十年三謬也而作古傳者不必因傳燈而
相似者贗本多同耳古傳又言思大先世不
多乖時只其思公本傳有一生岩二生塔三
生藏今日五生雖不合支那太子詳說無妨
耳今日上衡山修練七十年從陳國生此土

真佛雖來
本朝此語
在唐時言
之故引以
為證耳

本傳曰陳大建九年逝壽六十三古傳七十者取滿教歟不及違也
然則傳燈等諸書皆曰思大生和國鑑真又
有言古傳之文雖錯歲時不無其事婉文記
事春秋之法也子議吾乎不叙其誤不捨其事只以數語繫年可理婉文也
○役小角者賀茂役公氏今之高賀茂者也和
州葛木上郡荏原村人少敏悟博學兼鄉佛
乘年三十二棄家入葛木山居巖窟者三十
餘歲藤葛為衣松果充食持孔雀明王咒駕
五色雲優遊仙府驅逐鬼神以為使今日域

石橋ノ夜ノ御モタエスヘシアルワニシキ葛城ノ神

靈區修歷殆徧一日告山神曰自葛木嶺蹊
金峯山其間危嶮雖苦行者猶或艱汝等架
石橋通行路衆神受命夜夜運嵩石督營構
小角呵神曰何不早成對曰葛城峰一言主
神其形其醜難畫役待夜出以故遲耳小角
促一言主一言主不肯小角怒咒縛繫之深
谷一言主託官人曰我是管逆寇之神也竊
見役小角潛窺國家不急治殆乎危官人以
聞文武帝下敕召小角小角騰空飛去不得

含咒結
恨予潛

追捕官吏設計略收其母小角不得已自來
就囚便配豆州大嶋居三年晝守禁而居夜
必登富士山行道路踏海而走猶行陸其疾飛
鳥不可及也黎明歸射大寶元年放廻近京
師凌虛飛去小角嘗在攝州箕面山山有瀧
小角夢入瀧口謁龍樹大士覺後搆伽藍自
此号箕面寺為龍樹淨刹世曰小角自坐草
座載母於鉢泛海入唐
贊曰道德全者鬼神不得而窺矣彼君神異

那佛在唐
孝德帝白
維年中也
先大宝殆
于半百不
知何是何
非也

可謂不測者焉然遭神誣受竄譴豈咒力有
未克之處與古記曰道昭師在唐時五百群
虎共來作禮一虎人語曰新羅山中衆虎之
所伏也願師赴山導我暴得昭默受請乃至
彼講法華群虎側聽其中有和語者進曰我
是日本國彼小角也昭愕然問曰何在此對
曰本國神曲謠是以我遁去化異類耳然或
又有徃矣亦可以為善應無方之一端矣而
此事年代少乖故我不系本章疑又彼之放

逐古史或有誤乎。方今攀大峯之嶮巖，撥葛
領之深邃者，皆祖述于彼，不以形服而身懷
也。嗚呼！彼之化迹盛乎哉！
後者者俗儀也。今受其道者，緇徒也。不以
形侔早。

論曰：治容粉黛者，惑我肉眼也。不得不容好
醜於其間矣。鬼神不然，具分天眼，豈言媿惡
于形見哉！一書主神，豈其然乎！曰：渭中有甯
神，曾與魯班語。班令其出，神曰：我負醜，卿善
圖物，容不出。班於是拱手與語，曰：出頭見我。
神乃出首，班以脚畫地，忖神覺之，便沒水。故

置其象於水上，唯有腰以上。又秦始皇將於
海中作石橋，或云非人巧所建。於是海神爲
之豎柱，始皇感其惠，乃通敬於神，求與相見。
神曰：我形醜，約莫面我。始皇乃從石橋入三
十里，與神相見。帝左右有巧者，潛以脚畫神
形。神怒曰：帝負約，可速去。始皇即轉馬，纔上
前脚，其跡地即沒。僅登岸，是某事，又異域之
神，耻醜者也。夫鬼神多類，豈言好醜之有似
吾輩乎！以渭海而言，一書主曷，其不然邪！

六月白雲
降焉

釋素澄姓三神氏越之前州麻生律人父安
角母伊野氏夢白玉入懷而有孕白鳳十一
年六月十一日生時白雪降落庭宇皓皓產
屋之上積寸餘及五六歲不交見葦不遊園
闈百戲喧巷衢未曾出見唯以泥土作佛像
以草木構堂宇或采花水合掌供獻率當戲
娛持統六年道昭和尚遊化北地適投三神
氏忽見小童頭現圓光覆以寶蓋昭獨見餘
不能見昭驚告父母曰此兒神童也加敬育

焉時澄十一歲十四時夢身坐蓮臺傍有沙
門語曰汝知否我是汝本師也住在西方汝
所坐蓮者觀世音所持之花也汝可以比丘
形施十一面利生普照之德覺而怪喜慎不
語人其歲冬父見見夜夜失之恠語兄安方
曰季兒每夜潛出汝赴所止安方承教竊伺
出時匿身踵跡到越知峯巖洞中弟入內禮
拜數百高唱白南無十一面觀世音神變不
思議者言已出洞登峰頂崑巒峭峙安方不

能昇返宿洞中ニアルコソイ遲明歸家報父未脫履弟兒歸後棲達此峯苦修練行自薙髮為比丘衣藤皮食松葉修懺積年發得智解自然感悟密乘大寶二年有小沙彌自能登嶋來謁澄含笑曰相需者久矣汝其來也且為給使便付鉢多羅令守護焉澄不言晝夜風雨長時行道禮讚其苦勤殆非人力之所能而此沙彌如影不暫離常卧雪裏澄名為卧行者客比丘來寓語沙彌曰勵勸進趣是名為行卧

者怠倦之儀也何稱行者乎時沙彌又卧也舉首荅曰行有二種一身行二心行予之所論者身行也予之所修者心行也當八苦之寒風卧罪障之積雪仰阿字之大空見大日之光照淨菩提心觀慧相應念念增進豈非心行之微趣乎客聞之感歎伏膺此沙彌元無學業忽吐深旨人以爲異沙彌逢北海稅船飛鉢乞供率以爲常和銅五年羽州宮租馳船而過沙彌又飛鉢乞米舩師神部淨定

曰此官米有定數不足充供沙彌還山時船中斛米如鴈相連飛來峰頂淨定嘆未曾有入峯禮澄曰卑心多貪恪師淨供而是官租願還供餘澄笑曰非我所知小沙彌之為也汝向彼謝之淨定如教沙彌曰只留小供餘畫還汝淨定曰今此峯巒崎嶇摺疊許多米斛爭可運移澄曰汝只歸海濱艤舟而待此沙彌能可返移淨定返舟所其米如前飛還淨定見之感激轉深輸官畢不歸本邦入山

事澄採果拾薪百役不倦澄名為淨定行者澄語客曰沙彌心行者也淨定身行者也養老六年秋上元正天皇不豫醫巫不効上語侍臣曰朕聞越大德神異不測朕病恐待渠乎宜澄赴都在行只淨定一人而已澄及晡入宮願定曰吾三鉢杵在白山室急採來定還山採杵黃昏授澄王公以下莫不嘆伏皆曰澄不可言也定又奇矣澄近錦宸手把三鉢杵口誦忿怒明時定屏息清涼殿陛形甚醜如老猿

起居不靜死類其負年少管纓朝笑之定怒
觸柱宮殿大震如地動群臣懼怕上病益甚
澄以杵擬玉體上即愈天平八年天下疱瘡
王公士庶死者不可勝計上救澄修十一面
觀音法攘之不數日而疱息古志郡國上山
寺一檀信造塔婆至落成日雷電擊破檀信
改造雷亦擊之凡三造三壞之檀志不屈然
求所以雷之不擊澄聞之往語檀信曰不得
為慮速作寶塔我加助汝既而塔成澄坐塔

傍誦法華俄雲雨降灑雷電鳴輝檀信懼曰
是亦擊塔之相也先時皆爾為之如何澄曰
莫愁也諷誦如故忽一童男從雲中落年可
十五六頭髮蓬亂形兒可畏被五處縛流淚
曰聖者慈悲赦吾暴惡更不擊塔澄問緣何
擊塔童曰此山地神與我盟厚語我曰塔立
此地我無住所願為我擊之以故我屢壞之
今依妙法力地主移去我亦受譴今只仰法
師之慈救耳澄曰若聽惡友屢壞寶塔亦孔

之醜然此寺無水遠勞擔汲若出甘泉供佛
僧我解汝縛不爾不能極也又雷者此地之
妖也此寺東西南北各四十里不可作雷聲
二事若能否神童跪曰出水甚易四方四十
里吾亦不來矣言已縛解即仰掌承瓶水一
滴以指獲鑿石巖電光閃爍上空而去應時
巖穴中清泉迸出其水復冷冬温一寺穿渠
縈流燠澇無異又山中四十里雖夏天暴雨
不聞雷霆二事至今不替澄在越知峯常望

ヒラクミル
カヤカス
ヒラメカス

廣ノ洗
ミタミツ
乾ノ水

白山曰彼雪嶽必有神靈我登見之養老元
年到彼果感妙理大菩薩事在神仙傳中澄
居此嶺苦修益勤神異弥著居三年卧淨定
二行者相隨餘無久四年苦行之輩相尋來
薄成多衆天平寶字二年歸越知山居大谷
仙嶺其山似三鈷杵以為靈域初大寶二年
文武帝勅伴安以澄為鎮護國家法師養老
之法効擢為供奉賜号神融禪師授以禪師
位天平之効授大和尚位改号素證澄奏曰

願以證作澄蓋不忘父諱也澄角和上聞之
龍顏潛然乃賜号秦澄和尚澄自落髮未暇
名俗呼為越大德至此以秦澄為名先神龜
二年行基法師登白山基見澄微笑如舊識
基問白山靈應澄詳語之基感嘆曰元正皇
帝号公神融良有以乎哉又公託生三神氏
宜乎顯詳見神仙傳三聖之應迹也予歲已五十七末路
多艱不憚僉絕來蹈勝地幸聞神化吾心足
矣再遇在西土願勿忘盟歛密而去神護景

雲元年二月以書與僕射吉備公辭帝曰吾
將還西方願留眷情於佛乘僕射以聞帝哀
歎親灑宸筆答澄澄得御墨誠其徒曰聖筆
寶札置之高架莫忽諸三月十八日結跏趺
坐定印而化年八十六頂放神光山谷變金
天雨蓮華門人闕遺骨于石函澄生平時時
頭上現金光人有見乃隱宿疾者食鉢飯靡
不痊驅役鬼神使令鳥獸嘗入葛嶺鄉役小
角以石索咒縛一言主神纏繞七匝澄欲解

縛持念作法其縛三匝已解忽空中有聲叱
之澄乃息縛如元

後君

贊曰予修此書廣索諸記得澄師之事者多
其間怪誕不寡有弊朽一軸題後云天得二
年淨藏門人神興受口授作傳藏公靈應博
究思興之所聞不妄矣今之撰纂者采諸興
傳焉

論曰或言秦澄感悟密乘豈其然諸何也李
唐開元四年善無畏始至七年金剛智繼來

二師初傳密教先垂拱三年善提流志入唐
雖譯密經不立宗趣支那有密乘者畏智為
倡本朝此時未聞密教之名矣澄公雖神異
無方豈有之乎蓋南人不夢駝北人不夢舟
未有名字尚何感之有哉對曰無故而感感
之靈者也有故而感者想而感矣又其澄與
畏智何先曰異域同時予曰予不見春和之
著草木乎廣苑大林邃谷幽崑有根殖者皆
悉抽芽吐葩苟無花根即已有皆抽吐矣我

覺皇之遺化播于東夏也。又然支那者園林也。此方者崑谷也。當其化時至。或傳而來。或感而得咸一也。猶何疑哉。曰然者澄師何無系葉而後世澄海二師支派漫衍乎。予曰夫佛乘貴授受。睿峰南山宜乎漫衍也。蓋感得者表先馳耳。腹恤系葉哉。曰如子之言。滕蘭入漢本朝不感踰四百八十五年。從旁域而傳來哉。佛化比春和而有偏與。予曰鄉不云乎。無花根即已有。皆抽吐焉。漢之時此方爭

柰無花木何。當盛唐纔澄師一株而已。漸至貞元澄挑海李敷榮蔭林子何疑乎。

号婆羅門
修正

釋菩提南天竺國婆羅門種也。遙聞支那五臺山文殊師利靈應發。本國駕小舟入唐。即登五臺山中。逢一老翁。問曰法師何之。提曰山頂拜文殊翁。曰文殊不在也。見託生日本國語已翁不見提。乃赴本朝。天平八年七月行基法師奏曰當迎聖僧。聖武帝詔禮部鴻臚雅樂三僚向難波津基學一百沙門共宮

僚於海濱調音樂莊儀仗待之須臾西海波
面小舟泛泛漸近有二梵僧善提佛弟基迎笑執提手
共語如舊識始梵言基能應後和語提亦和
甚歎密敕館大安寺東坊十月賜時服天平
勝寶元年東大寺銅像成詔提為開眼導師
三年四月為僧正時號婆羅門僧正天平寶
字四年二月二十五日化
釋佛哲林邑國人也印土之隣國在南海有大慈愍眾生貧乏欲
入海索如意珠行賑濟便乘舟泛南海以咒

密系中有
龍王降伏
法美

力召龍王龍王出波上乃咒縛索珠龍解鬚
珠欲授拈拈右手結劔印舒左手受之龍給
曰昔娑竭女獻寶珠釋迦世尊世尊合掌受
之痛哉像末弟子隻手受之折聞已解印合
掌乃欲受珠龍見印解而縛脫乃沒海拈空
手舟又破時婆羅門僧善提適赴覆且海中
逢之哲語此事伴善提來天平八年七月也
本朝樂部中有菩薩拔頭茅舞及林邑樂者
拈之所傳也

一日起舞拔頭所以謂至王靈感之奇也

○伏見翁者不知何許人。或曰從竺土來翁。卧
和州平城菅原寺側崗。三年不起。又不言。人
呼爲啞者。時時舉首見東方。天平八年行基
法師迎婆羅門僧善提歸於菅原寺。設供。二
人甚歡。乃執箸爲拍板。一比丘互舞于時翁
俄起入寺。又作舞而歌曰。時哉時哉。緣熟哉。
三人相共舞。如故舊。蓋頃年作啞態者爲發
此言也。時時擡頭望東者。見東大寺管搆也。
其卧所自從翁之居名卧見崗。因而名翁焉。

贊曰。聖師之赴感也。其所赴異。而所以感者
同矣。吾謂菩提之求。曼珠也。未必在五臺佛
指之索寶珠也。未必在南海皆吾。

聖武大帝睿明之感發也。不然伏翁何以三
歲不起不言。一旦起舞唱時哉之句乎。好哉
聖境一場之倡和我。雖後出不得不擊節矣。
釋善仲善集攝州刺史藤致房之雙兒也。母
源氏。紀州刺史懷位之弟。八女慶雲四年正
月十五日夜。夢蓮華二莖從空飛入口中。覺

○
善集攝州刺史藤致房之雙兒也。母
不語禪坐冲天而沒。

後胸中如吞物而有娠母以夢故懷胎之間
不嘗覺腥常對佛像危坐和銅元年正月十
五日平且誕之母無痛苦而室有異香一胞
之中二兒相對不啼哭常含笑在孩稚聰慧
過羣孺九歲師事天王寺榮湛十七剃髮受
菩薩戒甫冠歲學通內外人皆曰夙智開發
二人常並頭相語而流淚人無測也曾欲以
其居隣塵寰白其師遁山谷湛不許神龜四
年春二人潛逃入山遙見一峯紫雲靉靄思

必靈地縛草庵宴居清修今勝尾山也經行
之地苔蘚痕分禪榻之畔鳥獸成群常共嘆
曰願不捨此身必往淨刹神護景雲二年二
月十五日仲乘草座忽飛去六年六十一爾後
筭不語禪坐三年七月十五冲天而沒西歲
集仲而知云

贊曰古德之示化坐立卧倒各呈善權而全
身飛昇而去者鮮矣二子草座冲天非乘願
力而來者奚能然乎其後九十年李唐鎮州

善化和尚

城有善化和尚於城之北門飛去鈴鐸之響
隱隱於雲煙豈異世之瓊迹乎奈遲一鞭
焉

劉琨祖述

勝尾始祖

王子桓
武帝元也

釋開成光仁帝子桓武之兄也幼敏穎而志
佛乘上甚鍾愛天平神護元年正月一日潛
出宮入勝尾山疊石為塔禪宴其側二月十
五日仲第二師經行山中適見問曰神彩麗
靚又孔雅矣深山孤闐何為居此皇子告素
志二師驚曰已四旬餘以何為食對曰二鳥

銜物置石塔上我等嘗之不知何味而又甘
美日日如是爾來雨露又不露二人相顧嘆
嗟延歸菴所即日就二師剃落受戒一日二
師與成鼎坐相語嗚咽涕泣傍人從聽不知
何事良久二師避席揖成曰證本有五智震
法雷五趣只此二句眾人間知餘語不能曉
二公授經帙并讓菴而佗之初二師發願寫
大般若經啓白日黑雲俄起雷落地二師以
其地為靈所規置般若今最勝峰是也人又

夢黃牛行道其地二公乃種楮於此地上張
羅網不令鳥下傍設欄援亦拒獸踐已而紙
成以書事託成而去成居山爲第二世又業
寫般若欲得淨金水祈求勝相限以七日滿
夜夢一人容儀端嚴衣冠莊麗手持青錦苞
立房側石上曰我以此金與師爲泥墨成受
之便問公爲誰彼人以偈答曰得道以來不
動性自八正道垂權跡能得解脫苦衆生故
号八幡大菩薩覺見几上有金錠徑三寸長

七寸成感喜交集其所立石今尚存焉又祈
永一日夜夢一人自北方飛來形如夜叉曰
八幡大神令我取天竺白鷺池水來充師之
經滴也成問誰乎答曰信州諏方南宮也寤
而見之清水盈闕伽器成得金水乃棲挂窟
大桂腹朽自然如洞窟在山中寫般若經寶龜三年二月夢
八面八臂鬼長丈餘率百千眷屬各取經紙
投散山谷夢覺知魔障欲慰供之而不委軌
則忽二鳥飛來落二札祭文儀軌也成依軌

不知供魔
之軌式矣

天十五
二六

供祭焉。又無事矣。世傳其軌。所謂荒神供也。經六寒暑而功畢。金水亦無剝闕。就雷墮之地。建道場而安經。遠期龍華之會。故号彌勒。未成藏經時。誓曰。願以此淨業。回六趣四生。更真天子。黎庶福壽康寧。誓已五體投地。時四方山木皆悉偃。食頃而條直。只西方一松樹獨猶偃。然後三百年。寬治末年。自朽倒。初寶龜始光仁帝。聞金水之事。捨官租。建如法堂。移桂窟之居。及彌勒寺成。納甲數百畝。

為寺產。天應元年十月四日。手執香爐向西。低頭而拜。壽五十八。成平時。自刻藥師像奉事焉。趨化時。其像淚滴至花座。後門弟子以像皮經堂。其像今猶在。淚痕如新。濕釋教待不知何許人。父居園城寺。天安二年。圓珍法師與新羅山王二神相勝。區到園城寺。待見珍如故舊。時有檀越大友氏。謂珍曰。待師日者。嘗曰。當寺主者已生焉。有時曰。入唐焉。又曰。來何暮。今朝曰。寺主來也。然則我

天智帝之子大友王子

文德

奉待者久矣乃與待以寺券付珎及三尾神
饒饗新羅神待來賀之然後形隱不見珎問
新羅神老待沒而不見何神曰彌勒菩薩之
應化也今已得師又何存乎珎還寺問木友
氏待公本貴何所生平行業何如木友氏曰
不知何人居此寺已百餘歲平居不赴堂齋
有時往湖濱取魚鱉乾串當饌率為常今聞
已隱痛哉乃共大眾詣其房見殘乾魚皆悉
荷藕蓮之類無他種衆皆嘆異年一百六十

古本
三尾神者極湖水之在岸喜瑞師及新羅神之末此地設大饗而給之

二歲待嘗與清水寺行眷居士善其來清水
著木筏欸話終日云

贊曰善應無方者至人之化也何之不可哉
而成公被待子仲筭待公待珍師是吾法因
緣之所生而時處之成就者乎然則因緣之
與時處者吾佛之大訓矣哉

百文所傳欲知佛性美我當觀特奇
因緣者也

元亨釋書卷第十五

大日本國延文庚子六月有 旨入墨廬大藏濟北禪庵住持比丘單況等謹募眾緣恭為

今上皇帝祝延 聖壽文武官僚資崇 祿位国泰民安命工鑄梓與

大藏經印板共行一部計三十卷實獲安云年歲五月

目謹題

元亨釋書卷第十六

濟北沙門 師鍊 撰

力遊九

十度、中力波羅蜜也。或曰此科皆列遠遊、者高僧上傳智科何異哉曰夫古德事四遊者皆高德伴文五言不得而滅然傳一宗系業相繼而化迹漫衍者繫、信智科也雖跡跡城化迹不度無世系者繫、於力遊而已

百濟國曇慧

高麗國慧便

百濟慧聰

高麗慧慈

百濟觀勒

高麗僧隆

百濟慧彌

高麗曇微

吳國福亮

唐國神睿

唐道璿

唐道榮

慧濟法師

僧旻法師

慧隱法師

智通法師

智鳳法師

淨達法師

行善法師

興福寺玄昉

行賀法師

梵釋寺永忠

靈巖寺圓行

安祥寺慧運

唐補陀落寺慧萼

真如法師

奮然法師

宋吳門寺寂昭

宋傳法院成尋

願雜十之一

古德一

豐國

德齊

德積

慧妙

道顯

道信

法貞

弘曜

慧忠

行表

仁秀

澄睿

慈恒

壽遠

守寵

道詮

承俊

良真

○釋曇慧百濟國人欽明十五年二月共道深

本國貢來

菴馬子
貴為仍

釋慧便高麗國人敏達十三年菴馬子奏取
百濟彌勒石像於石川宅側創殿安置時無

菴馬子
向戒法

○釋慧聰百濟人崇峻元年三月貢來聰有戒
學菴馬子受問戒法

○釋慧慈高麗人推古三年五月貢來皇太子

豐聰師之與百濟慧聰同弘佛教四年冬法

興寺成救慈及聰同居二十三年歸本邦

○釋觀勒百濟人推古十年十月貢來有學術

奉香火者使梁人司馬達葉四方尋求沙門

於播州得似比丘者問之對曰此方不敬沙

門故我混俗耳乃便也馬子貴為師

獻曆本及天文地理方術之書太子耳聰曰
吾在衡山勒為弟子好星宿度數山河利害
事我呵其涉藝術雜真乘風因不竭追我而
來猶言星曆三十二年四月有沙門殺祖父
者朝廷初置僧正檢校僧尼勒當遴選為僧
正

○釋僧隆高麗人推古十年十月共沙門雲聰
來

○釋慧弥推古十七年四月百濟人赴吳國其

舟漂流至肥後列列吏告大宰府府以聞敕
令其舟人送本邦時彌沙門道欣等慕國化
上表請留詔居元興寺

○釋曇微推古十八年三月高麗國貢來沙門
法定共之微涉外學善五經又有伎藝造碾
磴工彩畫

贊曰昔者神功聖后神武震海外三韓共
為遠藩而貢獻相續八師或偕計吏或觀國
光想咸傳法之才也年祀寢遠化迹不詳故

予於是併繫綴焉。然慧慈極上宮之衣觀。勃始僧碧之任。不為無得矣。嗚呼。曇慧道深者。此方之騰蘭也。惜哉古記闕焉。

釋福亮。吳國人。受三論。千嘉祥。齊明四年。內臣鑣子於陶原家。精舍請亮講維摩詰經。釋神睿。唐國人。居元興寺。講唯識。世言得虛空藏菩薩靈感。靈龜三年。救曰。沙門神睿。學達三空。智周二諦。戒珠光潔。慧海波深。宜施食封五十戶。天平九年化。

得虛空
藏靈龜

釋道璿。唐國人居東都大福先寺。留學普照榮睿。諭誘赴東。天平七年。來救館大安寺。西唐院璿善禪律。于時本朝之戒學。朝廷請為戒師。璿不倦。授受嘗曰。所以成聖。必由持戒。常誦梵網。其音清亮。如出金石。聞者感動。十五年。同寺行表年七十三。臘五十二。於興福寺北倉院。就璿重受戒法。璿曰。此老比丘。為法忘身心。無貢高。又可貴也。乃告曰。篇聚者。被身而已。我有心法。曰如來禪。昔三藏菩薩

善梵唄

達磨自天竺來付此法于慧可僧璨道信弘忍神秀七傳至我師普寂我師始在嵩山傳唱禪法道譽聞帝宸詔入東都居華嚴禪苑故世曰華嚴尊者我從華嚴得以付汝便廣說法要表忻然領受晚老病退居比蘇寺四序季月修禮懺供乃著發願文璿與僕射吉備真備善滅後僕射纂行實云

釋道榮唐人尤善梵唄

贊曰法水之注扶桑也濫觴於百濟沃日於

異域遠遊

大唐此土學佛之流靡以支那不為本鄉四師事遊化可欽餘烈遺芳也况又產本鄉乎釋慧濟共沙門慧先入唐留學推古三十一

年七月從新羅大使智洗爾來歸初同志十數人歸朝只濟先二人而已或留唐或夭殂本朝之遠游濟等為始焉
釋僧旻入唐留學舒明四年八月從唐使高表仁共沙門靈雲來歸孝德帝即祚以才教為國博士大化六年二月穴戶獻白雉宣問

群臣又問夏更奏曰休祥也語涉經史博物
詳正因此改元白雉四年五月夏病帝幸房
問病口救息旨六月寂帝使官使弔贈木后
太子皆弔喪

○釋慧隱入唐留學舒明十一年九月從新羅
使來歸白雉三年於宮中講無量壽經沙門
慧資為問者

○釋智通齊明四年七月共沙門智達入唐謁
三藏法師玄奘學唯識白鳳元年三月為僧

正

○釋智鳳大寶三年入唐學唯識僧正義洲鳳
之徒也

○釋淨達入新羅求法慶雲四年五月來歸和
銅二年十月右僕射不比等就植槻道場延
達修維摩會

○釋行善入高麗求法養老二年來歸善在高
麗行逢洛水橋絕無舟立斷橋上潛念觀音
須臾老翁掉舟而來載善行著岸之後老翁

俄隱舟又不見善知觀自在之應現發誓刻
像日夜敬禮彼國稱善為河邊菩薩歸朝時
懷像而返安興福寺一日其像俄失不知所
在

法苑珠林卷三十四度天竺同七年淨土文那

蒼曰震且之求法者曹魏甘露中朱士行始
到干闥而歸東晉義熙之始法顯達於中印
度爾來諸子幢幢絡繹濟先二師者本朝之
行顯乎果公優才補博士非釋門之幸而梁
武帝克慧起壽光殿學士唐太宗封智威朝

散大夫之類又多在是吾人之不得已也隱
達二公對君相而講論不為不遇矣行善入

高麗淨達赴新羅惜乎止於士行也

松浦大明神

釋玄昉姓阿刀氏從義洲學唯識靈龜二年

奉勅入唐謁智周法師稟相宗深旨唐帝賜
紫衣天平七年伴大使多治廣成歸以傳來
經論章疏五千餘卷及佛像茶獻尚書省八
年賜封一百戶田一百畝及扶翼童子八人
九年八月為僧正十八年六月築紫觀世音

寺成昉為慶導師乘輿入殿忽空中捉提昉
昉騰不見後日昉頭落興福寺唐院蓋藤廣
繼之靈為之也其靈今之松浦明神也昉之
傳來經籍救藏興福寺
贊曰夫人雖有才行不治者不為丈夫也昉
以俊才事遠遊傳來經書數千卷受 聖皇
渥遇豈不偉乎世言昉通花鳥使千藤室故
與藤氏有隙今見遭捉身首異處恐其然乎
不爾者即是傳法之一高僧耳誰敢問然又

二人不和穆
之隙也

道昭所傳之相宗系業不絕今之所學者昉之遺教也

二十五歲布
奉勅入唐

豈有天平故吾曰行不可不治矣非哉
釋行賀姓上毛氏和州廣瀨郡人十五出家
二十受具足戒二十五奉勅入唐留學學唯
識台教兩宗在唐七年傳來經疏五百餘卷
詔付少學三十人稟其業又敕明一法師試
所學十詰問二教稍有窒礙一呵曰久經歲
華學桓膚淺何非朝寄哉賀大愧垂淚於時
朝議曰長途一躡何妨千里之行大樹折枝
豈忘百畝之蔭賀著法華疏弘贊略贊唯識

議等四十餘卷延曆二十二年二月卒歲七十五
贊曰王^ト齒數敗廉頗而頗不害為良將長途
大樹關於朝議賀公不多違朝寄哉
○釋永忠京兆人姓秋篠氏質龜之初入唐留
學延曆之季隨使歸涉經論解音律善攝威
儀齋戒無缺桓武帝敕主梵釋寺弘仁七年
四月滅歲七十四遺表上唐所得律呂旋宮
圖日月齒各二卷律管十二枚填一枚

八唐從青龍寺義真和尚之西密教

○釋圓行果隣法師之徒也入唐從青龍寺義
真和尚受兩部密教承和六年歸居靈巖寺
傳來經書六十九部一百三十三卷

為安祥寺弟一世

○釋慧運洛城人東寺實慧之徒也承和五年
共圓仁師同舟入唐十四年歸為安祥寺弟
一廿貞觀十三年九月卒年七十四

贊曰誰言震且萬里海鹹問津諸子舳艫相
銜忠歸行往運又馳帆孳孳吾黨今我古監
○釋慧革齊衙初應橘太后詔齋弊入唐著登

萊界抵雁門上五臺漸屆杭州鹽官縣靈池
寺謁齊安禪師通橋店之聘得義空長老而
歸又入支那重登五臺適於臺嶺感觀世音
像遂以大中十二年抱像道四明歸本邦船
過補陀之海濱附着石上不得進舟人思載
物重屢上諸物船著如元及像出船能泛華
度像止此地不忍弃去哀慕而留結廬海嶠
以奉像漸成寶坊號補陀落山寺今為禪刹
之名蓋以華為開山祖云

贊曰華公者行止可謂合道矣奉楫而行空
共而歸我不見掖庭不知露池唯道而已抱
像而發船黏而止我弗怕異域弗憶故里唯
道而已蔽芾白花華師所萃百世之下佛閱
相闕於戲道之合者乎

釋真如大同帝第三子也大同四年皇太弟
受禪即祚尊大同帝為太上皇立高岳
皇子為皇太子即如也尚侍藤藥子及兄仲
成勸上皇為變事發覺上皇推髮藥子仲成

入唐度天
到西戎國
遷化

伏誅乃廢木子木子元有出塵之志為沙門
居東大寺性聰敏志氣宏邁學涉內外習三
論於道詮稟密教於空海既而得阿闍梨位
勤於教授嘗言密乘奧秘此方未盡當入大
唐質所疑彼地若此土遠踰葱嶺焉貞觀三
年上表奏事四年泛海入唐遍詢名德不充
如意遂杖錫西邁翩翩孤影流離絕域兀慶
五年在唐留學沙門中瓊哥書來曰如皇子
過流沙傳聞到羅越國逆旅遷化

贊曰丈夫貴氣志不言功業也有氣志者功
業自備蓋功業者天也氣志者德也苟有德
者豈言功業之成否於其間哉夫海師居東
場仁公坐北壇當是時密學之盛也西唐不
如矣如公眇視東北直跨滄波睥睨支那橫
截流沙其志鋒不可觸也猶湛盧豪曹雖非
淨而不多讓矣自推古至今七百歲學者之
事西遊也以千百數而跋印度者只如一人
而已吾以如為求法之魁者是也

釋奄然居東大寺學三論又受密乘千元果
永觀元年秋入宋東大寺送書青龍寺此睿
山寄信天台山然持二書著宋地太宗太平
興國八年也巡禮勝地歷觀明師遂於汴都
西華門外啓聖禪院禮優填第二摸像乃窟
佛工張榮模刻而得之太宗詔問我皇系曆
祚然荅詞詳備君臣稱嘆賜紫衣辭上五臺
雍熙三年上台州鄭仁德舡歸永延元年也
然得大藏五千四十八卷及十六羅漢畫像

其優填摸像見今在嶧城清涼院長和五年
卒

釋寂昭諫議大夫汪祿光之子也俗名定基
仕官至參州刺史會失配以愛厚緩喪因觀
九相深生厭離乃割冠纓投魯山源信之室
早名講學長保二年信作台宗問目二十七
條付昭寄南湖知禮法師禮延昭為上客丞
相丁胥公欽昭德義禮荅釋成昭欲持歸本
土胥公思留之喟以姑蘓山水之美昭愛其

奇秀止于吳門寺令其徒送禮答釋晉公披襟厚遇昭有黑金水瓶與晉公以詩曰提携三五載日用不曾離曉井斟殘月寒爐釋碎斯鄙銀難免後萊石易成虧此器堅還實寄公應可知初景德元年昭上進無量壽佛像本朝名刻也真宗大悅賜紫方袍贊曰然昭二師稱于宋地也見宋諸書焉二師恐有本乎如昭師源信主法智友晉公可謂善擇焉瓶詩予得揚文公談苑昭之緒餘

尚又被採文公況其本乎哉

釋成尋姓藤氏簪紱之胄也事石藏文慶真密教延久四年三月乘宋商孫忠船著蘇州界神宗熙寧五年也登天台遊五臺西臺見五色雲東臺見圓光光照尋身光中現群菩薩其數一萬許南臺見金色世界返入汴京神宗召見延和殿賜紫衣絹帛敕館太平興國寺傳法院時西天譯經三藏朝散大夫試鴻臚卿宣梵大師賜紫日稱奉敕從事翻譯

稱者中天竺人東來巴二十六年同預者朝
散大夫試鴻臚小卿宣秘大師賜紫慧賢梵
才大師賜紫慧詢二人宋人證梵義西天廣
梵大師賜紫天吉祥中印度人又筆受綴文
證義等皆悉備足尋與梵宋碩師親炙遊處
六年天下大旱神宗聞尋有密學救於瑤津
亭修祈雨密法尋謂本邦宿德遊此方名尤
顯者十數人未有承認旨也今我攘宋地之
災沴又為本國之光華便修法華法至第三

日夜雷電閃鳴大雨徹且神宗遣中使賀慰
宣曰乞延修七日露洽率土尋依救霖雨三
日神宗幸壇所燒香翌日歸傳法院救送茶
果達觀若干後十餘日賜號善慧大師又救
加譯場監事張太保問曰日本國又有靈如
闍梨者乎對曰我國密乘甚盛感應如響我
之儔豈得齒乎太保嘆曰西天日照三藏祈
雨五日而得中天慧遠慧寂七日而應未有
如闍梨三日之速矣此歲有本朝舶便尋奏

取新譯經三百餘卷寄來尋在大雲寺時常
讀法華一日青衣童子來屋上聞經衆人皆
見童忽隱大雲之寶塔院東南有大槻樹尋
誦經中夜無風其枝自折侵曉童來諗曰伊
勢大神宮傳語闍梨誦經聲極梵天我雖不
離本宮常來聞之今夜又率眷屬來諸神多
居樹上故枝折耳願師莫訝也語已不見或
時修不動供奉像搖舌語話護摩時尊像現
爐煙中尋臨終頂上放光三日不滅漆全身

安傳法院云

贊曰予遊大雲寺問尋事主事出像示之容
質渾厚實有德之儀也上有贊曰稟粹日天
為釋之賢分燈智者接踵奮然觀國之光蒙
帝之澤聿遘良工遽傳高格慈相克肖乾城
妾瞻滄浪萬里秋空一蟾遺寄歸舸衆仰無
厭著曰譯經證義文慧大師智普述熙寧六
年癸巳孟夏初五日記亦有十八羅漢及僧
伽像其畫妙細良絕筆也主事曰宋后親尋

尋共肖像寄來予見像贊及名畫等信尋之
立守地之不妄矣

願雜十之一

唐傳世章雜科志德蓋宜帶之意兼修諸法不宗于一法者繫于此科故名雜科志德其此昏不劣善菩薩大願不必限僧徒或現王臣身或現士庶形隨緣應機作語任濟故此科四部並列名願雜耳

古德一

四部衆以此立為首故願雜之中以古德為一

予讀日本紀欽明之後沙門之見國史者斑
斑在焉又古記遺編每每得之只其事迹略
焉今掇片事隻蹟繫於此庶幾不墮昔賢之
名也昔大史公立仲尼弟子傳大半姓名而
已今之片隻者不為僭越矣

釋豐國用明二年四月上語群臣曰朕欲歸
三寶卿等議之時守屋勝海等皆沮之藉馬
子奏曰聖教詎有異謀乎於是乎皇弟允穗
王子引豐國法師入内

釋德齊梁人司馬達等之子也崇峻三年與
漢人善聰等八人同出家

釋德積推古三十二年始置僧都積當選任

僧都号始於積
此年先以觀勒任僧正而後以德積補僧都

釋慧妙大化元年孝德帝敕為百濟寺主白

鳳八年病帝遣草壁皇子試疾明日寂詔三皇子弔之

釋道顯天智元年三月唐人新羅人伐高麗高麗時為吾西藩乞救上發兵赴海外四月鼠產閑馬尾朝廷恠恐顯奏曰高麗屬我乎果然

贊曰予讀唐書高宗龍朔二年者當吾天智即位之歲也龍朔元年三道伐高麗二年圍平城不克以國史考之宜乎不克也又以證

唐史之實矣昔我神功聖后征新羅時百濟高麗震恐附庸其後或叛亦征朝貢相繼為我藩國吾思其間或叛者隋唐之伐與至此乞援於吾者以附庸之久而王化之順與顯師以方推術可謂博物矣

釋道信蝦夷人持統三年奏求出家與自得奉敕得度此歲新羅獻彌陀金像朝廷責失禮還貢獻物新羅恐得奏求其像許而賜之釋法真持統十年近州益須郡醴泉出詔真

及善往真義寺至彼試嘗十卷

○釋弘曜居藥師寺究經論決疑難年八十六減

論義人
微乎智者

○釋蕙忠山列人姓秦氏論義入微時號智者又事遊化晚歸本邦終年七十餘

○釋行表和州葛上郡人為近州講師嘗受道璿禪師禪要付上足取澄延曆十六年化歲一百四十

○釋仁秀豫州人姓物氏學業超邁而操行不

精大同三年三月卒

○釋澄睿京兆人姓崗屋氏粹經論弘仁八年三月寂

○釋慈恒京兆人姓茨由氏學唯識尤善因明才多而少行人或言之天長四年二月卒年六十五

○釋壽遠武州人姓橘氏學三論于安證法師又善因明承和五年十二月逝年六十八
○釋守寵讚州人姓佐伯氏從護命法師學相

宗長論辯承和八年十二月寂年五十八
釋道詮武列人居法隆寺學三論世言於和
州福貴寺修求聞持法得自然慧貞觀十八
年逝

釋承俊居東大寺學唯識兼真言嘗建勸修
寺

釋良真姓源氏永長元年三月承保帝幸西
京禪房真以所傳南天竺國龍智阿闍梨五
鈷杵獻於帝帝大悅

贊曰諸師者我不得已而列之也又近世負
時名者講律之中有焉禪門尤多所謂雲山
叟圓鏡堂悟桃溪明南浦慧癡兀日高峰之
儔吾欲盡采叔或使久尋覓或就其徒乞求
三四回七八到而皆不得焉蓋我國朴質不
事記述自古而然故太賢大德實沒不聞今
之世又是也而余已泥編修之泥揚撰纂之
波庶可畏之君子鋪續補之糟歎拾遺之醜
乎

漢書云世人皆濁何不泥之泥而揚其波衆人皆醉何不鋪其糟而飲其醜



元亨釋書卷第十六

